

## Universitätsbibliothek Paderborn

**Vademecum Sive Praxis Opera Quotidiana Aliaque ritè  
peragendi, & per ea salutem& perfectionem propriam, ac  
proximi, instituto Societatis Jesu conformem assequendi**

**Limpens, Ferdinand**

**Coloniæ Agrippinæ, 1744**

§.X. Amuleta contra varias per diem tentationes.

[urn:nbn:de:hbz:466:1-54750](#)

## §. X.

*Amuleta contra varias per diem tentationes.*

*Contra respectum humanum.*

**D**ice vobis: Omnis, qui me confessus fuerit coram hominibus, & Filius hominis confitebitur illum coram Angelis suis. Luc. 12. DEUS meus, in te confido, non erubescam, neque irridieant me inimici mei; etenim universi, qui sustinent te, non confundentur. Ps. 24. DEUS dissipavit ossa eorum, qui hominibus placent, confusi sunt, quoniam DEUS sprexit eos. Ps. 52. Vota mea Domino reddam (quod obligationis est, faciam) coram omni populo ejus, Pt. 115. sine ullo respectu humano. Paratus sum, & non sum turbatus, ut custodiam mandata tua. Ps. 118. Si adhuc hominibus placerem, Christi servus non essem. ad Gal. 1. Miki pro minimo est, ut a vobis judicer, aut ab humano dñe. 1. Cor. 4. Dies pro iudicio sumitur. Sic reis dies dicitur. Alludit hic Apostolus ad Jerem. 17. v. 16. ubi dicitur: Diem hominis desideravi, Domine tu scis.

Valde obarmandus est animus contra respectum humanum. Pilatus Christum conservare volens multas cum populo Judaico luctas sustinuerat & superaverat. Sed dum audiret clamantes: Si hunc dimittis, non es amicus Cesaris, offendam Cesaris timens, CHRISTUM addixit cruci.

Tempori

Tempore temptationis cuiuscunque

**E** Rue à framea DEUS animam meam, & de manu canis [avernalis] unicam meam. Ps. 21. Unicam habes animam semel tantum à corpore separandam. Quo minuto, si est DEI hostis, omnia pro tota æternitate sunt perdita. Adjutor meus, & Protector meus es tu, DEUS meus ne tardaveris. Ps. 39. Intende ad deprecationem meam, quia humiliatus sum nimis. Libera me à persequentibus me, quia confortati sunt super me. Ps. 142. Dic animæ meæ, salus tua ego sum. Confundantur & revereantur quarentes animam meam, avertantur retrorsum, & confundantur cogitantes mibi mala. Ps. 34. Beatus vir, qui suffert temptationem; quoniam, cum probatus fuerit, accipiet coronam vita, quam repromisit Deus diligentibus se. Jacob. 1. Eripe me de inimicis meis Domine, ad te configi, doce me facere voluntatem tuam, quia Deus meus es tu. Ps. 142.

Contra temptationes in fide.

**T**Estimonia tua credibilia facta sunt nimis, Ps. 118. ob motiva credibilitatis bène penetrata. Fidelis Dominus in verbis suis, & sanctus in omnibus operibus suis. Ps. 144. Sicut audiimus in civitate Domini virtutem [in Ecclesia militante tot prodigiis illustratâ] sic vidimus in civitate DEI nostri. Ps. 47. Ità nobis in clamant circa fidem cœli cives ex Ecclesia triumphante.

## Contra tentationes circa prædestinationem.

**E**xistimabam, ut cognoscerem hoc: labor est ante me, donec intrem in Sanctuarium Dei. Ps. 72. *Expecta Dominum, & custodi viam ejus, & exaltabit te, ut hereditate capias terram.* Ps. 36. *Credo videre bona Domini in terra viventium.* Ps. 26. Suadet Thom. Kemp. ut, dum anxiaris circa prædestinationem, hoc decernas facere, quod velles facere, si scires te esse prædestinatum. Hoc proposito facto, dicit idem, anxiitudinam rediisse tranquillitatem mentis. *Rectus Dominus DEUS noster.* Ps. 91. *Non privabit bonis eos, qui ambulant in innocentia.* Psalm. 83. *Quis ascendet in montem Domini, aut quis stabit in loco sancto ejus? Innocens manibus, & mundo corde, qui non accepit in vano animam suam, nec juravit in dolo proximo suo.* Ps. 23. Similia prædestinationis signa circa simplicitatem cordis, & voluntatem nemini nocendi, enarrat David Ps. 13. & subjungit circa finem: *Qui facit hæc, non movebitur in eternum. Qui ambulat in iustitia, & loquitur veritatem, qui projicit avaritiam ex calunnia, & excutit manus suas ab omni munere. Qui obturat aures suas, ne audiat sanguinem (morem non gerit iis, qui de cæde patranda, pauperibus exlugendis, perversa dant consilia) & claudit oculos suos, ne videat malum [non consentit ulli rei proximo nocivæ, DEO injuriosæ] iste in excelsis habitabit, Regem in decore suo videbunt oculi ejus, cernent terram de longè.* Psal. 33

10

In videndo ac fruendo DEO primaria consistit beatitudo; è cœlo autem terra sive terrena de longè videntur sive despiciuntur.

Præter hæc signa quoque prædestinationis sunt, anhelare ardenter, & crebrò per diem ad fruitionem sanctissimæ Trinitatis velut unicum finem nostrum, tenerum sentire ac fovere devotionis affectum erga Christum crucifixum, sacra ejus vulnera, & sub speciebus panis ac vini latentes, cùmque saepius devote sumere; dein singulari ac constanti pietate colere Deiparam, & ejus immaculatæ Conceptionis mysterium. Denique condonare ex animo sincero injurias, bonaque pro malis reddere. Per hoc ultimum enim ostendis te adoptivum esse DEI filium genuinum. Sicut Centurio audiens in cruce Christum pro inimicis suis DEUM Patrem interpellantem continuò exclamavit: *Verè (sive naturalis) Filius DEI erat iste.*

Pariter in catena prædestinationis tres majores annuli, scilicet *primus*, qui est gratia Baptismi ac veræ fidei: *medius*, qui est gratia vocationis, & *ultimus*, qui est gratia finalis, cæters, ut non rumpantur, continebunt. Situ in Societate hæc tria observes, 1. Usum mortificationum, operumque pœnaliū, quæ in Novitiatu didicisti. 2. Exercitorum spiritualium, & maximè meditationis matutinæ, ita quidem, ut, si hæc neglexisti, metus aliquis reverentialis erga DEUM, & sacer erga inscrutabilia ejus judicia horror te statim in viam reducat. 3. Observationem reg. 18. Sacerd. scilicet, ut nun-

quam, quantum fieri potest, cum fœmineo maximè sexu agas sine locio ac teste vita. In horum trium observatione consistit debita erga divinam Majestatem submissio, & ei annexum est castitatis donum à B. V. Societati nostræ impetratum tanquam bonum prædestinationis signum.

*Contra tentationes vana gloria.*

**N**on veniat mihi pes superbia [superbus uno tantum pede stat, & hinc facile cadit] Et manus peccatoris non moveat me. Ps. 35. Non nobis, Domine, non nobis, sed nomini tuo da gloriam. Ps. 113. Disperdat Dominus universa labia dolosa, Et linguam magniloquam. Psalm. 11. Corripiet me justus in misericordia, Et increpabit me [Justus ille est verus amicus, non dissimilans, sed indicans, corrigenus defectus meos] oleum autem peccatoris [adulatoris] non impinguet caput meum. Ps. 40. Populum humilem salvum facies, Et oculos superborum humiliabis. Ps. 17. Date gloriam DEO, Ps. 67. qui dicit: Gloriam meam non dabo alteri. Quid habes, quod non accepisti? si autem accepisti, quid gloriaris? quasi non acceperis. I. Corinth. 4. Si in disput Conc. discursu titillet te vana gloria, dic cum Bernardo: Propter te non cœpi, propter te non desinam. Verum est, quod oporteat facere verba bona non tantum coram DEO, sed etiam coram hominibus, ut glorificent Patrem, qui in cœlis est, ita tamen, ut opus sit in publico, Et intentio maneat in occulto. De bono opere proximi

præ

*prabeamus exemplum, & tamen per intentionem,  
quà DEO soli placere querimus, semper optemus  
secretum. Greg. hom. 11. in Evang.*

*Contra tentationes carnales.*

**L**umbi mei impleti sunt illusionibus, & non est  
sanitas in corde meo. Ps. 37. Inflamma-  
tum est cor meum, & renes mei commutati sunt.  
Ps. 72. In DEO speravi, non timebo, quid fa-  
ciat mihi caro. Ps. 55. Eripe me de luto, ut non  
infigar. Ps. 68. Confige timore tuo carnes meas,  
à judiciis enim tuis timui. Ps. 118. Homo, cùm  
in honore esset, non intellexit, comparatus est ju-  
mentis insipientibus, & similis factus est illis. Ps.  
48. Et verè, quid est omnis carnalis voluptas?  
nisi belluina, & brutis communis, quæ, in  
quantum conjugibus licita est, solo fine Matri-  
monii velut Sacramenti à Christo instituti coho-  
nestatur, ut per propagationem humani generis  
novis semper impleatur cœlum civibus. Averte  
oculos meos, ne videant vanitatem. Psalm. 118.  
Momentaneum, quod delectat, aeternum, quod  
eruciat. Indirectè, & statim animum ad alia  
avocando, securissimè resistitur tentationi car-  
nali.

*Quid facies? facies Veneris si veneris ante,  
Non sedeas, sed eas, ne pereas per eas.*

*In tentatione pusillanimitatis, desolationis,  
adversitatis, tribulationis.*

**S**i ambulavero in medio umbra mortis, non timebo mala, quoniam tu tecum es. Psal. 22. In Domino sperans non infirmabor. Ps. 25. Ecce DEUS Salvator meus, fiducialiter agam, & non timebo. Cant. 15. Sperent in te, qui noverunt nomen tuum, Domine, quoniam non dereliquisti quarenteste, Domine. Ps. 9. Nec enim in gladio suo possederunt terram (Sancti propriis viribus cœlum) & brachium eorum non salvavit eos, sed dextera tua, & brachium tuum (quod respectu mei nondum decurtatum est) & illuminatio vultus tui (gratia illuminans, excitans) quoniam placuisti in eis. Ps. 43. Ipse Deus meus, & Saluator meus, & Susceptor meus, non movebor amplius. Ps. 61. Si consurgant adversum me castra, non timebit cor meum; si exsurget adversus me prælium, in hoc ego sperabo. Ps. 26. Usque in tempus sustinebit sapiens, & postea redditio jucunditatis. Eccl. 1. Gustate & videte, quoniam suavis est Dominus. Beatus vir, qui sperat in eo. Ps. 33. Defecit manna, postquam comedenterunt de fructibus terra. Jos. 5. Sic dum terrestre quaeris solatium, cessat divina unctio. Virga tua, & baculus tunc ipsa me consolata sunt. Psalm. 22. Virgâ castigat DEUS pigros in suo servitio, inobedientes bonis inspirationibus; sed baculo assistentiæ sustentat debilitatum, & humilem factum. Nondum usque ad sanguinem restititis.

Hebr.

Hebr. 4. DEUS modicum passos firmabit, solidabitque, & ipse est merces tua magnanimis. Gen. 15. Hunc humiliat, & hunc exaltat, quia calix in manu Domini vini meri plenus mixto, & inclinavit ex hoc in hoc; veruntamen fax ejus non est exinanita: bibent omnes peccatores terrae Ps. 74. vel in hac vita, ut convertantur, vel postmodum in exterminio. Peccavi, & verè deliqui, & ut eram dignus, non recepi. Job. 33. Tribulatio & angustia invenierunt me. Mandata tua meditatio mea est. Ps. 18. De tribulatione invocavi Dominum, & exaudivit me. Non moriar, sed vivam, & narrabo opera Domini. Castigans castigavit me Dominus, & mortii non tradidit me. Ps. 117. NB. Tots Psalmus tertius & duodecimus, qui oratur in Matut. Dom. tempore tribulationis servit devotè recitatus. Sicut & Cant. Isaiae, - quod vide feriâ secundâ ad Laudes. Momentaneum & leve tribulationis nostra supra modum in sublimitate aeternum gloriae pondus operatur in nobis. 1. Cor. 4. Expecta Dominum, viriliter age, & confortetur cor tuum, & susline Dominum. Ps. 26.

## In tentatione contra vocationem.

**D**E O subiecta esto anima mea, quoniam ab ipso patientia mea; quia ipse DEUS meus, & Salvator meus [à tot periculis animæ perdendæ me præservans in sæculo] & Adjutor meus (ad Societatem) non emigrabo (transiens à Societate Christi ad societatem diaboli) in DEO Salutare

tare meum, & gloria mea (in constanti & fideli  
 ejus servitio) DEUS auxiliu mei, & spes mea in  
 DEO est. Ps. 61. Justificationem meam, quam  
 cœpit enere, non deseram, Job. 27. nec aspiciam  
 ad aratum retro. Fiat manus tua super virum  
 dexteræ tuæ, & super Filium hominis, quem con-  
 firmasti tibi, & non discedimus à te. Ps. 79. Ne  
 projicias me in tempore senectutis, cum defecerit  
 virtus mea, ne derelinquas me. Ps. Sed da fi-  
 nalem perseverantiam. Sed tu, mi bone homo!  
 quando post annos aliquot in vocatione tua va-  
 cillas contra illud ad Cor. 7. Unusquisque in vo-  
 catione, in qua vocatus est, in eâ permaneat. Re-  
 cogita, an non hanc ipsam putaveris veram esse  
 vocationem tuam? quando DEO toties consul-  
 to, hâc illâ devotione hunc in finem in sâculo  
 institutâ, tam humiliter & instanter admissio-  
 nem petivisti, quando biennio integro Novitia-  
 tûs expleto cum gaudio de vocatione tua nulla-  
 tenus ambigens DEO te per vota immolâsti.  
 Unde jam suboritur tibi dubium subsistens co-  
 ram eo? qui non irridetur, & cui displicet infide-  
 lis promissio. Eccles. 4. An quia hactenus te ta-  
 lem exhibuisti DEO, qualem debebas, & san-  
 ctè servâsti illud Pauli ad Ephes. 4. Dignè amba-  
 letis vocatione, quâ vocati estis, cum omni humi-  
 litate, mansuetudine, patientiâ. An quia econ-  
 tra paulatim similis factus es statuæ Nabuchodo-  
 nosoris (cujus caput ex auro, pectus ex argen-  
 to, venter ex ære, tibiæ partim ex ferro, par-  
 tim ex luto) spiritum ac fervorem primævum  
 yanâ sensualique conversatione dissipâsti, &  
sem.

*De operibus quotidianis.*

89

semper in deterius transmutasti? passionibus his  
illis fræna laxasti? spiritualia neglexisti? mundi,  
non DEI principia imbibisti? ob neglectum re-  
gulae de socio ac teste vita in hoc illud lapsus es?  
aut quia evanescens in cogitationibus tuis talen-  
ta tua non sat is honorari aut aestimari judicas, &  
correctionem ferre non potes? Evidem SS. PP.  
Nostrorum Ignatii & Xaverii regula generalis  
erat, quod Societas elatos sui juris ac sententia ho-  
mines concoquere non valeat, & hi vicissim se  
spiritui Societatis accommodare non possint. In-  
terim (licet tali homini, qualis tu es, Societas  
prorsus non indigeat, quin potius oneretur) tu  
vide sis, ne anima tua in æternum pereat, & in  
extremo die judicii tibi tuique similibus illud ad  
Gal. 3. exprobretur: *O insensati! quis vos fasci-  
navit non obedire Veritati? ante quorum oculos  
JESUS Christus [Dux cohortis, cui eratis in-  
scripti] prescriptus est, in vobis crucifixus. Sic  
stulti estis [fueritis] ut, cum spiritu cœperitis,  
nunc carne consummemini?* & statum, quem  
tanquam ad eum vocati tam humiliter & arden-  
ter expetiistis, in quo tot annos transegistis,  
non ex motivo à DEUM timentibus & pruden-  
tibus viris, non à Superioribus vestris approba-  
to, sed vel ex levitate animi, superbiâ, vel  
proprii judicii pertinaciâ deserueritis. Potuistis  
salvari, quod tunc vestrum erat principium, in  
quocunque statu; jam autem, sed serò nimis,  
videtis miseri, in quo fuissetis salvati. O mi-  
JESU, adjuro te per quinque sacra vulnera tua,  
& immaculatè conceptam Virginem Matrem

D 7

tuam,

tuam, & quam mihi dedisti in meam, hanc à me averte cæcitatem, ut non sequar desideria carnis, propriam voluntatem, & nec ex superbia, nec etiam ex pusillaniitate [ quam diabolus mihi inspirat, quasi sive ex defectu virium, sive talentorum aptus non essem ad munia Societatis ] deseram vocationem meam. *Unam petui à Domino, hanc requiram, ut inhabitem in domo Domini omnibus diebus vita mea.* Nam teste Bern. de modo bene vivendi cap. 20. *Qui congregationem sanctam relinquunt, à Societate Dei elongantur, atque dominio diaboli subjugantur.*

*In tentatione contra acceptam correctionem, obedientiam.*

**N**on declines cor meum in verba malitie ad excusandas excusationes in peccatis. Ps. 140. *Priusquam humiliarer, ego deliqui.* Ps. 118. Ut iumentum factus sum apud te (& Superiores tuos Vicarios) & ego semper tecum. *Tenuisti manus dexteram meam, & in voluntate tua [ per Superiores meos ] deduxisti me.* Ps. 72. *Disciplina tua correxit me ( pro præterito ) disciplina tua ipsa me docebit* Ps. 17. *pro futuro.* Inobedienti subtrahitur gratia congrua juxta illud Psal. 80. *Non audivit populus meus vocem meam, & Israel non intendit mihi, & dimisi eos secundum desideria cordis eorum ( non præservando ab occasionibus, in quibus eos lapsuros prævidi) ibunt in adinventionibus suis.* Et quò? ad infernum. *Emphatica est Christi sententia* Luc. 10. *Qui*

*Qui vos* (Superiores) *audit, me audit. Qui vos*  
*spernit, me spernit.* Demum, dum in æstu es  
ob hanc vel illam molestiam, mortificationem,  
humiliationem tibi illatam, vel pœnitentiam  
injunctam, vel amore proprio occæcatus te nul-  
latenus agnoscis reum? vel bonus ad rationem  
ac ingenuitatem recursus te facit paulatim agno-  
scere, quod hoc illud promeritus sis? Si *ulti-*  
*mum*, placabitur etiam paulatim exulceratus  
animus. Si *primum*, in tantum te obsecro, vin-  
ce, ut à consortio aliorum segregatus in cubi-  
culo tuo conjicias oculos in Crucifixum, qui ti-  
bi repræsentat JESUM tanta amore tui, & ob-  
peccata tua innocenter passum, tot Sanctos infi-  
nities quasi plura innocenter passos, tot sacer-  
tales pluribus, & longè majoribus præ te cruci-  
bus obrutos. Move te paulisper, nec sinas pu-  
rè passionem agere. Deflecte oculos ad infer-  
num, quem toties promeritus es, ad purgato-  
rium, cuius pœnas impatientiâ tuâ horrendum  
acuis. Attolle mentem in cœlum, quod hæc,  
quæ pateris, & infinites plura extra omne du-  
bium promeretur. Hebes es vel brutum, si  
similia paulatim oculos mentis tibi non aperi-  
rent. Dum jam paulatim mens ad saniora redu-  
citur, perpende causas tres, cur correctionem  
Superiorum æquo animo excipere debeas. Pri-  
ma est mandatum DEI, & potestas illis à DEO  
data te corrigiendi. Vísne contra DEUM insur-  
gere? Secunda est, quod fateri debeas, te ho-  
minem esse defectibus obnoxium. Tertia deni-  
que, quod saltem alias, si non jam hæc illa me-  
ritus

ritus sis, & in præsenti casu prudentia non fuerit in Superiore, virtus verò in te probari possit.

*In tentatione convitorum, obirectionum,  
persecutionum.*

**I**N patientia vestra possidebitis animas vestras. *Luc. 21.* Considerat peccator justum, & querit mortificare eum; Dominus autem non derelinquet eum in manibus ejus, nec damnabiteum, cùm judicabitur illi. *Ps. 36.* Propter te mortificamur tota die, estimati sumus, sicut oves occisionis. *Ps. 43.* Tu scis improbum meum, & confusionem & irreverentiam meam. *Ps. 88.* Propter te sustinui opprobrium. *Ps. 68.* Iabant gaudentes à conspectu Concilii; quoniam digni habiti sunt pro nomine JESU contumeliam pati. *Act. 5.* Secundum multitudinem dolorum meorum in corde meo consolaciones tua latificaverunt animam meam. *Ps. 93.* Memore esto, Domine, opprobrii servi tui, quod continui in sinu meo. *Ps. 88.* Ego autem tanquam surdus non audiebam, & sicut mutus non aperiens os suum. Et factus sum, sicut homo non audiens, & non habens in ore suo redargutiones: quoniam in te Domine speravi. *Ps. 37.* Posui ori meo custodiā, cùm considereret peccator adversum me. *Ps. 38.* Define ab ira, & derelinque furorem; noli amulari, ut maligneris (convitia reddendo con-  
vitiis) quoniam, qui malignantur, extermina-  
buntur; sustinentes autem Dominum ipsi heredita-  
bunt terram. *Ps. 36.* Suscipiens mansuetos Do-  
minum,

minus, humilians autem peccatores, superbos usque ad terram. Ps. 146. Psalmum nonum leges cum consolatione, dum pateris persecutiones.

§. XI.

*EXAMEN VESPERTINUM.*

Postquam sub quadrante Canonico sequentis diei meditationem cum Capitulo aliquo ex Thom. Kemp. legisti. Examen vespertinum vel fieri potest, ut pomerid. V. pag. 14. vel pro varietate sequentibus duobus modis institui. Primo per ruminacionem quatuor novissimorum. Secundo per applicationem quinque sensuum.

*PRAXIS PRIMA.*

Domine IESU Christe Redemptor, Jux & sumnum Bonum meum! quia non infernus confitebitur tibi (fructuose scilicet, & pœnitentia damnatorum de commissis sceleribus in æternum magis magisque cruciabit eos) neque mors [ si eò differatur pœnitentia ] laudabitis te; non expectabunt, qui descendunt in lacum [ purgatorium ] veritatem tuam aut misericordiam, donec justitiae tuæ, quam extra statum merendi positi placare amplius non possunt, satisfecerint. Vivens vivens ipse confitebitur tibi, Cant. Ezech. sicut & ego hodie. Hinc vivus & lanus, imprimis tibi infinitas ago gratias pro om-